

Association FabLab

ID broj: 4202763800004

Tel: + 387 61 899 387

Info@fablab.ba

www.fablab.ba



Univerzitet u Sarajevu

Obala Kulina bana br. 7/II

71000 Sarajevo

Za pažnju: prof.dr Rifat Škrijelj, rektor

Sarajevo, 16.05.2022.

POZIV

Poštovanje,

Ovim putem Vas pozivamo na

Sarajevo Maker Faire

Svjetski sajam nauke, inovacija, tehnologije i kreativnog stvaralaštva

28 – 29.05.2022., Dom mladih i plato Skenderija

Ovaj značajan događaj održava se planirano u navedenom periodu specifično iz razloga da posluži kao STEM vikend studentima i potencijalnim studentima UNSA-e na kraju školske godine, kako bi što veći broj mladih ljudi imao pristup relevantnim informacijama o visokom obrazovanju i upisu na fakultete te kako bi na jednom mjestu mogli vidjeti, pa i sudjelovati u nesvakidašnjim eksponatima, projektima i radionicama naših izlagača.

Prijave izlagača su još u toku u ovom momentu, prijavljenih sa 15. majem je 65, a cilj nam je prikupiti ih 100. Očekivani broj posjetilaca na sajmu je cca 10.000 ljudi, a ponajviše mladih osoba. Smatramo da je ovo idealna prilika za UNSA da predstavi svoj rad i projekte potencijalnim studentima, ali i širem okruženju. Događaj će biti i medijski popraćen. Organizator u potpunosti snosi troškove štanda na kojem bi bio predstavljen Univerzitet. Kontakt osobe za koordinaciju prezentacije UNSA na Maker Faire-u su direktorica Research and Development Centra, Maja Arslanagić-Kalajdžić i voditeljica projekta Association FabLab-a, Anida Čmanjčanin (anida@fablab.ba).

U nastavku teksta slijedi elaborat o sajmu Sarajevo Maker Faire.

Association FabLab

ID broj: 4202763800004

Tel: + 387 61 899 387

Info@fablab.ba

www.fablab.ba



O programu Sarajevo Maker Faire

Svjetski festival/sajam Maker Faire po prvi put će se održati u Bosni i Hercegovini, u Sarajevu, 28. i 29. maja u Domu mladih i na platou Skenderija.

Prvi Maker Faire održan je 2006. g. u Kaliforniji, a danas se održava preko 200 Maker Faire-ova širom svijeta, uključujući metropole kao što su New York, Rim, Beč...

Značaj i očekivani rezultati sajma

Svrha Maker Faire sajmovi je da se nauka, tehnologija i inovacije približe ljudima te da se na jednom mjestu okupe svi inovatori i stvaraoci iz ovih oblasti i da pokažu svoje radove, projekte ili eksperimente, kako bi se popularizirale STEM oblasti nauke u javnosti, a pogotovo među mladima. Cilj je pokazati mladim ljudima na konkretnim primjerima važnost nauke, tehnologija i inovacije, te ih inspirirati i ohrabriti da i sami krenu u smjeru kreativnog i inovativnog stvaralaštva. Također, cilj je pokazati mladim ljudima da ima prostora i u našoj zemlji za sve one koji se žele predano baviti naučnim radom.

Maker Faire je postao dio globalne pop-kulture, prilika za predstavljanje novih tehnologija, inovacija, ali i očuvanje starih vještina i zanata. Ovaj festival okuplja mlade ljude i cijele porodice, a pored toga što je veoma naučno-obrazovnog karaktera, on je ujedno i vrlo zabavan sajam koji kroz brojne interaktivne performanse angažuje i posjetioce da se i sami uključe u stvaranje i kreiranje nečeg korisnog i interesantnog.

O izlagačima na Sarajevo MakerFaire-u (ukupno 100)

Naši izlagači bit će raspoređeni u nekoliko grupa:

1. STEM zona – škole i organizacije koje na STEM način obrazuju djecu i mlade od 5 do 18 godina.
2. LAB-ovi – tu spadaju domaći i regionalni naučni instituti, FabLabovi (skraćeno za: fabrication laboratory), tehnološki centri i parkovi, kao i makerspaces (kreativne radionice).
3. EDU zona – u ovu grupu spadaju visokoobrazovne institucije iz raznih dijelova BiH.
4. MAKERS – Individualni ili grupni projekti entuzijasta svih starosnih dobi.
5. ARTS & CRAFTS – u ovoj grupi nalaze se pojedinci ili grupe koje se bave dizajnom, umjetnošću te inovativnim zanatskim vještinama.
6. STARTUP zona – prospektivne visoko tehnološke novosnovane firme.
7. TEHNOLOŠKE KOMPANIJE – podrazumijeva sve one koji stvaraju ili se bave naprednim tehnologijama i naučnim inovacijama.

Među naše izlagače spadaju samostalni inovatori, makerspaces, STEM škole, instituti, laboratorije, univerziteti, startup kompanije te tehnološke kompanije. Trenutna lista prijavljenih izlagača se nalazi na linku: <https://sarajevo.makerfaire.com/makers-exhibits/>.

Napomena: Prijave su još u toku.

Association FabLab

ID broj: 4202763800004

Tel: + 387 61 899 387

Info@fablab.ba

www.fablab.ba



Program sajma Sarajevo Maker Faire

Sajam će se zvanično otvoriti u subotu, 28.05.2022. u 10:00h, a u nedjelju 29.05.2022. sajam će se svečano zatvoriti u 16:00h. Posjetioци će moći da razgledaju sve naše sajamske sadržaje, ali i da se informišu i educiraju o procesu stvaranja i nastanka izloženih eksponata i radionica.

Pored toga, posebno mjesto na sajmu zauzimaju specijalno osmišljene STEM radionice za naše najmlađe posjetioce i to iz oblasti robotike, elektronike, programiranja, hemije, biologije i matematike.

U sklopu sajma, posjetiocima i budućim studentima će se predstaviti i BH univerziteti sa svojim projektima.

Za sve posjetioce ulaz je besplatan!

Asocijacija FabLab BiH

Asocijacija Fablab Sarajevo, organizator sajma, već godinama je posvećena mladim ljudima stvarajući im što bolji prostor za iskazivanje njihove kreativnosti, inovativnosti i intelekta.

FabLab BiH je organizacija za istraživanje i tehnologiju vođena inovacijama koja razvija inovativne i istraživačke platforme s ciljem poboljšanja istraživačke infrastrukture, razvoja najsavremenijih tehnologija i ubrzanja inovacija u Bosni i Hercegovini.

FabLab BiH je nezavisna, neprofitna, nevladina i apolitična organizacija.

FabLab BiH istražuje ključne transformativne tehnologije iz Industrije 4.0 i Industrije 5.0, s fokusom na aditivnu proizvodnju (AM), umjetnu inteligenciju (AI), 3D Bioprinting, tehnologije proširene i virtuelne stvarnosti (AR/VR) i osnove iz koncepata cirkularne ekonomije. Naša glavna katalizatorska partnerstva potiču iz akademske zajednice i industrije, omogućavajući efekte iskorištenja i ubrzanje društvenih ishoda i novih razvoja u polju digitalne proizvodnje kroz veze sa postojećim organizacijama visokog kapaciteta.

S poštovanjem,

Predsjednik Udruženja
Edin Škaljić